

**Ed. 943. Frumvarp til laga [251. mál]**  
um veiðar í fiskveiðilandhelgi Íslands.

(Eftir eina umr. í Nd., 18. maí.)

Samhljóða þskj. 887 með þessum breytingum:

3. gr. B, C, E og F hljóðar svo:

**B. AUSTURLAND.**

- B1. Frá línu réttvísandi austur frá Langanesi (vms 10) að línu, sem dregin er réttvísandi austur frá Hvítungum (vms 19) er heimilt allt árið að veiða með botnvörpu og flotvörpu utan línu, sem dregin er 12 sjómíllur utan við viðmiðunarlínu.
- B2. Heimilt er að veiða með botnvörpu og flotvörpu allt árið utan línu, sem dregin er í 5 sjómílna fjarlægð frá fjörumarki Hvalbaks (64°35'8 N, 13°16'6 V).
- B3. Skipum, 39 metrar að lengd eða minni, er heimilt að veiða allt árið með botnvörpu og flotvörpu utan línu, sem dregin er úr punkti 6 sjómíllur réttvísandi austur frá Langanesi (vms 10) í punkt 6 sjómíllur réttvísandi austur frá Glettinganesi (vms 13).

**C. SUÐAUSTURLAND.**

- C1. Frá línu réttvísandi austur frá Hvítungum (vms 19) að línu réttvísandi suður frá Lundadrang (vms 28) er heimilt að veiða með botnvörpu og flotvörpu allt árið utan línu, sem dregin er 12 sjómíllur utan við viðmiðunarlínu.
- C2. Á svæði milli lína, sem dregnar eru réttvísandi austur frá Hvítungum (vms 19) og réttvísandi suður frá Ingólfshöfða (vms 22) er heimilt að veiða með botnvörpu og flotvörpu á tímabilinu 1. maí—31. janúar utan línu, sem dregin er 9 sjómíllur utan við viðmiðunarlínu.
- C3. Á svæði milli lína, sem dregnar eru réttvísandi suður frá Ingólfshöfða (vms 22) og réttvísandi suður frá Lundadrang (vms 28) er heimilt að veiða með botnvörpu og flotvörpu á tímabilinu 15. september—31. janúar utan línu, sem dregin er 4 sjómíllur utan við viðmiðunarlínu.
- C4. Frá línu réttvísandi austur frá Hvítungum (vms 19) að 18°00' v.lg. er skipum, sem eru 39 metrar að lengd eða minni, heimilt að veiða 1. maí til 1. mars með botnvörpu og flotvörpu utan línu, sem dregin er 4 sjómíllur utan við viðmiðunarlínu.
- C5. Frá línu réttvísandi austur frá Hvítungum (vms 19) að 18°00' v.lg. er skipum, sem eru 26 metrar að lengd eða minni, heimilt að veiða 1. maí til 1. mars með

botnvörpu og flotvörpu utan línu, sem dregin er í 3ja sjómílna fjarlægð frá fjörumarki meginlandsins.

- C6. Frá 18°00' v.lg. að línu réttvísandi suður frá Lundadrang (vms 28) er skipum, sem eru 39 metrar að lengd eða minni, heimilt að veiða allt árið með botnvörpu og flotvörpu utan línu, sem dregin er 4 sjómíllur utan við viðmiðunarlínu.
- C7. Frá 18°00' v.lg. að línu réttvísandi suður frá Lundadrang (vms 28) er skipum, sem eru 26 metrar að lengd og minni, heimilt að veiða allt árið með botnvörpu og flotvörpu utan línu, sem dregin er í 3ja sjómílna fjarlægð frá fjörumarki meginlandsins.
- C8. Á svæði, sem afmarkast af línu, sem hugsast dregin réttvísandi austur frá Hvít-  
ingum (vms 19), að línu, sem hugsast dregin réttvísandi suður af Hvalnesi  
(64°24,1' n.br., 14°32,5' v.lg.), er öllum skipum heimilt að veiða allt að 6 sjómí-  
lum frá fjöruborði á tímabilinu frá 1. maí til 31. desember.

#### E. REYKJANES- OG FAXAFLÓASVÆÐI.

- E1. Utan línu, sem dregin er 5 sjómíllur utan við Geirfugladrang úr punkti í 5 sjómílna fjarlægð réttvísandi suður frá Geirfugladrang í punkt í 6 sjómílna fjarlægð réttvísandi vestur frá Malarrífi (vms 38), er heimilt að veiða allt árið með botnvörpu og flotvörpu.
- E2. Á tímabilinu 1. nóvember—31. desember er heimilt að veiða með botnvörpu og flotvörpu utan línu, sem dregin er í 12 sjómílna fjarlægð frá viðmiðunarlínu á svæði, sem að sunnan markast af línu dreginni réttvísandi suður frá Reykjanesaukavita (vms 34) og að vestan af línu, sem dregin er réttvísandi vestur frá Reykjanesaukavita.
- E3. Frá línu réttvísandi suðvestur frá Reykjanesaukavita (vms 34) að línu réttvísandi vestur frá Skálasnaga (vms 40) er skipum, sem eru 39 metrar að lengd eða minni, heimilt að veiða allt árið með botnvörpu og flotvörpu utan línu, sem dregin er 4 sjómíllur utan við viðmiðunarlínu.

#### F. BREIÐAFJÖRÐUR.

- F1. Utan línu, sem dregin er frá punkti í 6 sjómílna fjarlægð réttvísandi vestur frá Skálasnaga (vms 40), þaðan í punkt 65°05'0 N og 24°21'5 V, þaðan í punkt 65°05'0 N og 24°42'5 V og þaðan í punkt í 12 sjómílna fjarlægð réttvísandi vestur frá Bjargtöngum (vms 43), er heimilt að veiða með botnvörpu og flotvörpu allt árið.
- F2. Utan línu, sem dregin er frá punkti í 4ra sjómílna fjarlægð réttvísandi vestur frá Skálasnaga (vms 40) í punkt í 4ra sjómílna fjarlægð réttvísandi vestur frá Bjargtöngum (vms 43) er skipum, sem eru 39 metrar að lengd eða minni, heimilt að veiða með botnvörpu og flotvörpu allt árið.
- F3. Á tímabilinu 1. júní—31. desember er skipum, sem eru 26 metrar að lengd eða minni, heimilt að veiða með botnvörpu og flotvörpu utan línu, sem dregin er í 4ra sjómílna fjarlægð frá viðmiðunarlínu á Snæfellsnesi, norðan við línu réttvísandi vestur frá Skálasnaga (vms 40) og utan við viðmiðunarlínu milli Öndverðarnesvita (vms 41) og Skorarvita (vms 42). Að norðan takmarkast svæði þetta af 65°16'0 n.br.

8. gr. hljóðar svo:

Stefnt skal að því, að auk eftirlits Landhelgisgæslunnar skuli sérstök eftirlits-  
skip, sem gerð verði út af Hafrannsóknastofnuninni, fylgjast með fiskveiðum í  
fiskveiðilandhelginni í því skyni að koma í veg fyrir óhóflegt smáfiskadráp eða aðrar  
skaðlegar veiðar. Skipstjóri hvers eftirlitsskips skal vera sérstakur trúnaðarmaður  
sjávarútvegsráðherra og skal ráðinn af honum í samráði við Hafrannsóknastofnun-  
ina. Skipstjórar þessir hafi reynslu af fiskveiðum, þ. á m. togveiðum.

Ráðherra getur sett sérstaka trúnaðarmenn um borð í veiðiskip, eftir því sem þurfa þykir, og er skipstjórum veiðiskipa skylt að veita eftirlitsmönnum þessum þá aðstoð og aðstöðu um borð í skipum sínum, sem nánar er ákveðið í erindisbréfum útgefnum af ráðuneytinu til handa eftirlitsmönnum þessum.

Hvenær sem skipstjórar eftirlitsskipa, leiðangursstjórar rannsóknaskipa Hafrannsóknastofnunarinnar eða sérstakir trúnaðarmenn, sbr. 2. mgr., verða varir við verulegt magn af smáfiski í afla, geta þeir bannað veiðar á ákveðnu svæði, sem þeir afmarka í þessu skyni, í allt að þrjú sólarhringa. Hinir sérstöku trúnaðarmenn skulu ekki hafa framangreint leyfi nema samkvæmt sérstakri ákvörðun ráðherra.

Skyndilokanir skv. 3. mgr. taka gildi um leið og þær eru tilkynntar í útvarpi eða í fjarskiptatæki af viðkomandi trúnaðarmönnum ráðherra eða leiðangursstjórum.

Hafrannsóknastofnuninni og sjávarútvegsráðuneytinu skulu tilkynntar forsendur slíkra skyndilokana um leið og ákvörðun þar að lútandi hefur verið tekin. Ráðuneytið ákveður þá í samráði við Hafrannsóknastofnunina innan þriggja sólarhringa hvort og þá hvaða ráðstafanir eru nauðsynlegar til verndunar ungfisks á viðkomandi svæði.

15. gr. hljóðar svo:

Ráðherra getur að fengnu álit Hafrannsóknastofnunarinnar veitt heimildir til veiðitilrauna og annarra vísindalegra rannsókna innan fiskveiðilandhelginnar og þurfa þær heimildir ekki að vera bundnar við íslenska aðila eina. En ætíð skulu slíkar tilraunir og rannsóknir fara fram undir eftirliti Hafrannsóknastofnunarinnar.